

文苑英華卷第二百七十六

詩二百二十六

送行十一



武元衡十一首

姚係三首

馬異一首

楊巨源五首

楊衡九首

陳羽八首

歐陽詹二首

韓愈十一首

孟郊十首

呂溫四首

送李侍郎

御集作

裴起居

武元衡

沱江水綠波喧鳥去喬柯南浦別離處東風蘭杜多長亭  
春婉婉層漢路蹉跎會有歸朝日班超柰老何

以下十一首  
並見集本

送常侍御司議赴東都

前人



洛京千里近離緒亦紛紛文憲芙蓉沼元方羔鴈群河關  
連鞏樹嵩山接秦雲獨有秋風引集作思睽携不可聞

送太常十二兄罷冊南詔却赴上都 前人

鄉路自茲始征軒行復留張騫隨漢節王濬守刃州澤國  
煙花度銅梁霧雨愁別離無可柰萬恨錦江流

送徐員外使還上都 前人

九折朱輪動三巴白露生蕙蘭秋意晚關塞別魂驚寶瑟  
連宵怨金壘盡醉傾旄頭星未落分手轆轤鳴

送李正字歸蜀 前人

已歛甘泉賦仍登片玉科漢官新組綬蜀國舊煙蘿劔壁  
秋雲斷巴江夜月多無窮別離思遙寄竹枝歌

送吳待御司馬赴台州 前人

鷹耽佐郡遙川陸共集作岩迢迢風景輕經吳會文章變越語  
煙林繁橘柚雲海浩波潮余有靈山夢前君到石橋

送韋集作李秀才赴滑州謁大夫舅 前人

陌頭車馬去翩翩白面懷書美少年東武楊公姻婭集作好  
重西州謝傳舅甥賢長亭叫月新秋鴈官渡含風古樹蟬  
知已滿朝留不住貴臣河上擁旌旄

送張六諫議回朝 前人

詔書前日下丹霄頭戴儒冠脫早早貂笛怨柳營花集作烟漠  
漠雲愁江館雨蕭蕭鴛鴻得路爭先翥松桂凌寒識集作獨  
後凋歸去朝端如有問玉門關外老班超



同幕中諸公餞送李侍御歸臺

前人

昔年專席奉清朝今日持書即舊僚  
珠履會中簫篥思白雲歸處帝鄉遙  
巴江暮雨連三峽劔壁危梁上九霄  
歲月不堪相送盡顏顏更爲集作被別離凋

送崔判官還

集作使

太原

前人

勞君車馬此逡巡我與劉君本世親  
兩地山河分節制十年京兆共風塵  
笙歌幾處胡天月羅綺長留蜀國春  
報主白應集作由來須盡敵相期集作煙塵萬里寶刀新

送唐次

前人

都門去馬嘶灞水春流淺青槐驛路直  
集作長白日離亭晚望望煙景微  
草色行人遠

送陸渾趙主簿宗儒赴任

姚係

山中渺然意此意乃平生常日望鳴騶  
遙對洛陽城故人吏爲隱懷此爲蓬瀛  
夕氣渭巖上晨流瀉岸明存亡區中事  
影響羽人情溪寂值猿下雲歸聞鶴聲  
及茲春始暮花萼正相縈會有携手日  
悠然去無程

送周愿判官歸嶺南

前人見文粹

早蟬望秋鳴夜琴怨離聲眇然多異感  
值子江山行由來重義人感激事縱橫  
往復念遐阻淹留慕平生晨奔九衢棧  
暮始萬里程山驛風月樹海門煙霧城  
易綃泉源近拾翠沙溆明蘭蕙一爲贈  
貧交空復情

揚參軍庄送宇文觀

前人



秋雲冒原隰野鳥滿林聲愛此田舍事稽君車馬程離堂  
慘不喧脉脉復盈盈蘭葉一經露香消爲贈輕燈光耿方  
寂蟲思隱逾清相望忽無際如含江海情

送皇甫湜赴舉

馬異見文粹

馬蹄聲特特去入天子國借問去是誰秀才皇甫湜含吐  
一腹文八音兼五色主文有崔李郁郁爲朝德青銅鏡必  
明朱絲繩必直稱意太平年願子長相憶

清明日後土祠送田徹雜詠作徹

楊巨源

清明千萬家處處是年華榆柳芳辰火梧桐今日花祭雜詠  
作祠結雲綺遊詩而擁香車惆悵田郎去原廻煙樹斜

送杜郎中使君赴夔州

前人

迢遞南康路清輝得使君虎符秋領俗鷓署早辭群地遠  
仍連戍城巖本帶軍傍江低檻月當嶺滿窓雲境勝閭閻  
間天清水陸分和詩將惠政頌述九衢聞

重送胡大夫赴振武

前人

何年擢桂儒生業今日分茅聖主恩旌旆仍將過鄉路軒  
車爭看出都門人間文武能雙捷天下安危待一論布惠  
宣威大夫事不妨詩思許琴樽

送陳判官罷舉赴

前人

練思多時冰雪清拂衣無語別書生諸莫將甲乙爲前累不  
廢煙霄霞是此行定愛紅雲燃楚色應看白雨打江聲心  
斯王帳親台位魏勃因君說姓名



送李虞仲秀才歸東都因寄元李二友 前人

高翼閑未倦，孤雲曠無期。晴霞海西畔，秋草燕南時。鄴中  
多上才，耿耿丹霄姿。顧我於逆旅，與君發光儀。同將儒者  
友，獲忝携疑作。人知幽蘭與芳佩，寒玉鏘美詞。舊友在伊  
洛，鳴蟬思山陂。到來再春風，夢盡雙瓊枝。素業且無負，青  
冥殊未遲。南橋天氣好，脉脉一相思。

廣州石門寺重送李尚書赴朝時兼宗正卿 楊衡

象闕趨雲陛，龍宮憇石門。清鏡猶啓路，黃髮重攀轅。藻變  
朝天服，珠懷委地言。那令蓬蒿客，茲席奉離樽。

送孔周南之海謁王尚書 前人

泛棹若流萍，桂寒山更清。望雲生碧落，看日下滄溟。潮盡

收珠母，沙閑拾翠翎。自趨龍戟下，再為誦芳馨。

冬夜舉公房送崔秀才歸南陽 前人

聞君動征棹，犯夜故來尋。強置一樽酒，重欵百年心。燈白  
霜氣冷，室虛松韻深。南陽三顧地，幸偶價千金。

送陳房謁撫州周使君 前人

匡山一畝宮，尚有桂蘭叢。鑿壁年雖異，穿楊志幸同。貌羸  
緣塞苦，道蹇為囊空。去謁臨川守，因憐鶴在籠。

江陵送客歸河北 前人

遠客歸故里，臨路結徘徊。山長水復闊，無因重此來。聊將  
歌一曲，送子手中盃。

送鄭丞之羅浮中習業 前人



百年泛飄忽萬事繫衰榮高鴻脫矰繳達士去簪纓始從  
天日疑遊復作羅浮行雲卧石林密月窺花洞明全形在  
氣和習默憑境清夙秘絳囊訣屢投金簡名鍾筦促離觴  
煙霞隨去程何當真府內重得款平生

送王秀才往安南

前人

君爲蹈海客客路誰諳悉鯨度乍疑山鷄鳴先見日所嗟  
迴棹晚倍結離情密無貪合浦珠念守江陵橘

送公孫器自桂林歸蜀

前人

桂林淺復碧滄浚半露石將乘觸物舟暫駐飛空錫蜀香  
異青眼蓬戶高朱戟風度杳難尋雲飄詎留跡舊戶閑花  
草馴鴿傍簷隙揮手共忘懷日墮千山夕

秋夜桂州宴送鄭十九侍御

前人

秋至觸物愁况當離別筵短歌銷夜燭繁緒遍高絃桂水  
舟始泛蘭堂榻詎懸一杯勾一作離阻三歲奉周旋鴉噪

更漏颯露濡風景鮮斯湏不共此且爲更留連勾離阻一作勿

送戴端公赴容州

陳羽

分命諸侯重葳蕤繡服香八蠻治險阻千騎踏繁霜山斷  
旌旗出天清劔珮光還將小戴禮遠出化南方

送殷華之洪州

前人

離堂悲楚調君奏豫章行愁處雪花白夢中江水清扣船  
歌月色避浪宿猿聲還作經年別相思湖草生

西蜀送許中庸歸秦赴舉

前人



春色華陽國秦人此別離驛樓橫水影鄉落入花枝日暖  
鶯飛好山晴馬去遲劍門當石隘棧閣入雲危獨鶴心千  
里貧交酒一卮桂條攀偃蹇蘭葉藉參差旅夢驚蝴蝶殘  
芳怨子規碧霄今夜月惆悵上峨眉

送友人及弟歸江東

前人

五陵春色泛花枝心醉花前遠別離落羽詩選作第耻爲關右  
客成名空羨里中兒都門雨歇愁分處上店燈殘夢到時  
家住洞庭多釣伴因來相賀話相思

梓州與溫商夜別

前人

鳳凰城裏花特別玄武江邊月下逢客舍莫辭先買酒相  
門曾忝共登龍迎風騷屑千家竹隔水悠揚五夜鍾明日  
又行西蜀路不堪天際遠山重

送友人遊嵩山

前人

嵩山歸路繞天壇雪影松聲滿谷寒君見九龍潭上月莫  
辭清夜訪袁安

伏翼洞送夏方慶

前人見詩選

洞裏春晴花正開看花出洞幾時迴殷勤好去武陵客莫  
引世人相逐來

送德輿歸穿石洞山居

前人

烏巾年少歸何處一片綵霞仙洞中惆悵別時花似雪行  
人不肯醉春風

送潭府州陸戶曹之任曹自處州陶倉受集作司倉處州



除

歐陽詹

三語又為椽大家聞屈聲多年名下人四姓江南英衡嶽  
半天秀湘潭無底清何言驅車遠集作遠車去有蒙莊情

福建送鄭楚材赴京時監察劉公亮有感激鄭意

前人

美人河嶽靈家本滎陽

集作水

清門承若蘭族身蘊如瓊文

早折青桂枝俯窺鴻鵠群邇來丹霄姿遠逐蒼梧雲有伊  
光鑒人惜茲瑤薰薰酣前激昂四座同氛氲海郡梅靈晴  
山郵炎景曛廻翔罷南遊鳴喚期西聞秦塞鸞鳳征越江  
雲雨分從茲一別離佇致如堯君

送鄭尚書赴南海

韓愈

九字白文

番禺軍府盛欲說暫停盃蓋海旗幢出連天觀閣開衙時  
龍戶集上日馬人來風靜鷄鳴去官廉蚌蛤廻貨通獅子  
國樂奏越王臺事事皆殊異無嫌屈大才以下十一篇  
並見集本

送李尚書赴襄陽

得長字

前人

帝憂南國切改命付忠良壞畫星搖動旗分獸簸揚五營  
兵轉肅千里地還方控帶荆門遠飄浮漢水長賜書寬屬  
郡戰馬隔隣疆縱獵雷霆迅觀碁玉石忙風流峴首客花  
艷大堤娼富貴由身致誰教不自強

杏園送張轍侍郎

前人

東風花樹下送爾出京城久抱傷春意新添惜別情歸來  
身已病相見眼還明更遣將詩酒誰家逐後生



送桂州嚴大夫

前人

蒼蒼森八桂，茲樹在湘南。江作青羅帶，山如碧玉簪。戶多翰翠羽，家自種黃柑。遠勝登仙去，飛鸞不假驂。一作暇參

送李員外院長分司東都

前人

去年秋露下，羈旅逐東征。今歲春光動，驅馳別上京。飲中相顧色，送後獨歸情。兩地無千里，因風數寄聲。

送李六協律歸荆南

前人

早日羈遊所，春風送客歸。柳花還漠漠，江鷺正飛飛。歌舞知誰在，賓寮逐使非。宋亭池水綠，莫忘蹋芳菲。

送侯喜

前人

已作龍鍾後，時者懶於街。重衣蹋塵埃，如今便別官。長去直

到新年衙日來

送李翱

前人

廣州萬里塗，山重江逶迤。行行何時到，誰能定歸期。揖我出門去，顏色異恒時。雖云有追送，足跡絕自茲。人生一世間，不自張與施。譬如浮江水，縱橫豈自知。寧懷別時苦，勿作別後思。

送石洪處士赴河陽幕

前人

長把種樹書，人云避世士。忽騎將軍馬，自號報恩子。風雲入壯懷，泉石別幽耳。鉅鹿師欲老，常山險猶恃。豈惟彼相憂，固是吾徒耻。去去事方急，酒行可以起。

送李礎判官歸湖南

前人



長沙入楚深洞庭值秋晚人隨鴻鴈少江共蒹葭遠歷歷  
余所經悠悠子當返孤游懷耿介旅宿夢婉婉風土稍殊  
音魚鰕日異飯親交俱在此誰與同息偃

送諸葛覺往隨州讀書

前人

荆候家多書插架三萬軸一一懸牙籤新若手未觸為人

強記覽過眼不再讀備哉群聖文磊落載其腹行年五十餘

集作餘出守數已六京邑有舊廬不容久食宿臺閣多官

負無地寄一足我雖官在朝氣勢日局縮屢為丞相言雖

懇不見錄送行過淮集作水東望不轉目今子從之遊學

問得所欲入海觀龍魚矯副逐黃鵠勉為新詩章月寄三

四幅

送殷秀才南遊

孟郊

詩句蒲離袂酒花醺別顏水程千里外岸泊幾宵間風葉

亂辭木雪猿清叫山南中高集作古事詠遍始應還

張徐州席送岑秀才以下多一篇並見集本前人

振振芳集作蘭步升自君子堂冷冷楓集作桂吟生自楚

客腸迷集作鳥無定棲驚蓬在他鄉去茲門館閑即彼道

路長雨餘山川淨麥熟草木涼楚淚滴章句荆塵蒲集作

衣裳贈君無餘地又要不可忘

送崔寅亮下第

前人

天地唯一氣用之自偏頗憂心集作成苦吟達士為高歌

君子識不淺枝蔓幽更多歲晏期攀折時歸且婆娑素貌



集作質貌如削王清詞若傾河潜虬集作虬未化時魚鱉同一

波去矣當自適故山饒薜蘿

送韓愈從軍

前人

志士感恩起變衣非變性親賓改舊觀僮僕生新敬坐作  
群書吟行爲孤劍詠始知出處心不失平生正淒淒天地  
秋凜凜軍馬令驛塵時一飛物色極四靜文粹作淨王師既不  
戰廟畫在文粹作廟畧盡無競王粲有所依元瑜初應命一章諭  
檄明百萬心氣定今朝旗集作旌鼓前笑別丈夫盛

贈崔純亮別

前人

食齋腸亦苦強歌聲無歡出門即有礙誰謂天地寬有礙  
非遐方長安大道旁小人智慮險平地生太行鏡破不改

光蘭死不改香始知君子交集作交久之集作交久道益彰君心

與我懷離別俱迴遑譬如浸蘗泉流苦日已長悲泣日易

衰悲悲形自文粹作傷傷項籍豈非集作非壯賈生豈非集作非良

當其失意時涕泗各滿集作沾裳古人勸加餐此餐難自強

一飲集作飯九祝噎一嗟十斷腸况是兒女冤集作怨冤氣

凌彼蒼彼蒼若有知白日下清霜今朝始驚呼碧落空茫

茫

送任齊二秀才自洞庭遊宣城任載齊古前人

洞庭非人境道路行虛空二客月中下一片集作帆天外風

魚龍波五色金碧樹千叢閃恠如可懼至誠無不通扣竒

驚浩淼採異動窮崇物表積高韻人間訪仙公宣城文雅

文粹作憂



地謝守聲問融證玉易為力辨珉誰不同從茲阮籍淚且免泣途窮

山中送從叔簡

前人

莫以手中瓊言邀世上名莫以山中迹久向人間行松柏有霜操風泉無俗聲應憐枯朽質驚此別離情

送從弟郢東歸

前人

爾去東南夜我無西北夢誰言貧別易貧別愁更重曉色奪明月征人逐群動秋風楚濤高旅榜將誰共

大梁送柳淳入關

前人

青山轉為塵白日無閑人自古推高車爭利西入秦玉門與侯門待富不待貧唯賁集作空携一束書獨去將誰親

集作去去誰相親

送柳淳

前人

青山臨黃河下有長安道歲歲集作世上名利人相逢不知老

送范司空赴朔方

得遊字

呂溫

築壇登上將膝席委前籌虜滅南侵趾集作跡朝分北顧憂

抗旌迴廣漠撫劔動旄頭日集作坐見黃雲暮行看白草秋

山橫舊秦塞河遶古靈州戍集作善守如無事唯應獵騎遊

送段秀才歸澧州

前人

湘南孤白芷幽託在清潯豈有馨香發空勞知處深推賢路已隔踈乏力弗任暫我一言方負君千里心寸義薄懸

組片誠敵兼金惟期踐冰雪無使弱思侵

衡州送李兵曹赴湘東

前人



慷慨視別劍凄清泛離琴前程楚塞斷此別集作恨洞庭深

文字已久集作久已廢循良非所任期君碧雲上千里一揚首

道州送戴簡處士賀州謁侍郎 前人

羸馬孤童鳥道微三千客散獨南歸山公念舊偏知我今

日因君泪滿衣

已卯冬月以字本再校補三十四字改誤正一字

校三一百二十三字 五月十六日

文苑英華卷第二百七十六

文苑英華卷第二百七十七

詩一百二十七

送行十二

劉禹錫二十七首

張籍二十五首

元稹四首

送令狐相公自僕射出鎮南陽 劉禹錫

夏木正陰成戎裝出帝京沾襟辭闕淚廻首別鄉情雲樹

褒中路風煙漢上城前旌轉谷去後騎踏橋聲久領鷓行

重無嫌虎節集作綬輕終常持一筆再入福蒼生以下二十七篇並見集本

奉送裴司徒令公自東都留守再命太原 本封晉國公兩

任相去十六年 前人

星使出關東兵符賜上公山河歸舊國管籥換離宮行色

集作十字白文



旌旗動軍聲鼓角雄愛棠餘故吏騎竹見新童漢壘三秋  
靜胡沙萬里空其如天下望旦夕詠清風

早秋送臺院楊侍御歸朝兄弟四人通歷諸科之同存者前人

仙署棣華春當時已絕倫今朝丹闕下更入白雲人重振  
高陽族分居要路津一門科第足五府辟書頻鷲鳥得秋  
氣法星懸火旻聖朝寰海靜所至不理輪

送陸侍御歸淮南使府五韻用年前人

江左重詩篇陸生名久傳鳳城來已熟羊酪不嫌羶歸路  
芙蓉府離堂璵瑁筵秦山呈臘雪隋柳布新年曾忝揚州

薦因君達短牋時段丞相鎮揚嘗辱表薦

送太常蕭博士棄官歸養赴東都時元兄罷相為少師仲兄為郎

官並分司洛邑前人

兄弟盡鴛鴦歸心切問安貪榮五綵服遂掛兩梁冠侍膳  
曾調鼎循咳更握蘭從今別君後長向德星看

奉送家兄歸王屋山隱居據道書王屋山一名洛陽山前人

陽落天壇上依稀似玉京夜分先見日月靜忽集作聞笙  
雲路將鷄犬丹臺有姓名古來成道者兄弟亦同行

送趙中丞自司直郎轉官叅山南令孤僕射幕府

趙氏兄弟皆僕射門客前人

綠樹蒲葭斜西南蜀路賒驛門經赤縣集作臨道路集作

過黃花相府開油幕門生逐絳紗行看布政後還從入京

華



送河南皇甫少尹赴絳州

前人

祖帳臨周道前旌指晉城午橋群吏散亥宇老人迎詩酒  
每同樂別離方見情從茲洛陽社吟詠欠書生

送王師魯協律赴湖南使幕

即未穆公之孫

前人

翩翩馬上郎驅傳渡三湘橘樹沙洲暗松膠酒肆香素風  
傳竹帛高價騁琳琅楚水多蘭若何人事蹇芳

送浙江李相公重赴舊鎮新加旌節 前人

江北萬人看玉節江南千騎引金鏡鳳從池上遊滄海鶴  
到遼東識舊巢城下清波含百谷窓中遠岫列三茅碧鷄

白馬徊翔久却擁

集作憶

朱方

集作幢

是樂郊

奉送浙江李僕射赴鎮

前人

建節東行是舊遊歡聲喜氣蒲吳州郡人重得黃丞相童  
子爭迎郭細侯詔下初辭温室樹夢中先到景陽樓自憐  
不識平津閣遙望旌旗汝水頭

送李尚書鎮滑州

自浙西觀察使拜兵部侍郎月余有此拜也

前人

南徐報政入文昌東郡須才別建章視草名高同蜀客擁  
旄年少勝荀郎黃河一曲東城下緹綺千重照路傍自古  
相門還出相如今人望在巖廊

送渾大夫赴豐州

自大鵬臚拜家集作家丞舊勳

前人

鳳啣新詔降恩華又見旌旗出漢家故吏來辭辛屬  
國精兵願逐李輕車輶裘君長迎風懼錦領首豪踏雪衙  
其柰明年好春日無人喚看牡丹花



送戶部李侍郎自河南尹再除本官歸闕 前人  
昔年內史振雄詞今日東都結去思宮女猶傳洞蕭賦  
人先詠袞衣詩華星却復文昌位別鶴重歸太乙池  
想到金門待稱籍一時驚喜見鳳儀

送河南尹馬學士赴任 前人

可憐玉馬風流地暫輟金貂侍從才閣上掩書劉向去門  
前脩刺孔融來嶠陵路靜寒無雨洛下水 集作 橋長晝起雷

却集作美府中棠棣好先於城外百花開時公伯仲四人並以顯官居洛

士宗榮之

送李庚先輩赴選 前人

一家何啻十朱輪諸父雙飛秉大鈞曾脫素衣叅幕客却  
為精舍讀書人離筵落水侵杯色征路函關向晚塵今日  
山公舊賓主知君不負帝城春

送李二十九兄員外赴邠寧使幕 前人

家襲常平身業文素風清白至今貧南宮通籍新郎吏西  
候從戎舊主人城外草黃秋有雪峰頭煙靜虜無塵鼎門  
為別霜天晚剩把離觴三五巡

送唐舍人出鎮閩州 集作 前人

暫辭鷓鴣鷺出蓬瀛忽擁貔貅鎮粵城閩嶺夏雲迎皂蓋遠  
溪秋樹映紅旌山川遠地由來好富貴當年別有情了却  
人間婚嫁事復歸朝右作公卿

送王司馬之陝州 自太常丞 援工為詩 前人



暫縱清齋出太常空携詩卷赴甘棠府公既有朝中畫集  
舊司馬應容醉集後狂按牘來時惟署事風煙入興便  
成章兩京大道多遊客每遇詞人戰一場

洛中送楊處厚入關便遊蜀 前人

洛陽秋日正淒淒君去西秦使向西舊學三冬今轉富曾  
傷六翮養初齊王城曉入窺丹鳳蜀路晴來見碧鷄早識  
卧龍應有分不妨從此躡川梯

送周使君罷渝州歸郢州別墅 前人

君思郢上吟歸去故自渝南擲郡章野戍岸邊留畫舸綠  
蘿陰下有山莊池荷雨後衣香老集庭草春深綬帶長  
只恐鳴騶催上道不容待得晚菘嘗

送蘄州李郎中赴任 前人

楚開蘄水路非賒東望雲山日夕佳薤葉照人呈夏簟松  
花蒲椀試新茶樓中飲興集因明月江上詩情為晚霞  
北地交親長引領早將玄鬢到京華

洛中逢韓中丞之吳興 前人

今朝無意訴離杯何況清弦急筦催本欲醉中輕遠別不  
知翻引酒悲來

送張輿集赴舉輿即同年之子有序前人

爾生始懸弧我作座上賓引箸舉湯餅祝辭天麒麟今成  
一丈夫坎壈愁風塵長裾來謁我自號廬山人道舊與撫  
孤悄然傷我神依依見眉睫嘿嘿含悲辛永懷同年友追



想出谷晨三十二君子齊飛凌烟曼曲江一會時後會已  
凋淪况今三十載閱世難重陳盛時一已過來者日日新  
不如搖落樹重有明年春火後見瓊璜霜餘識松筠肅機  
乃獨秀武抱亦絕倫爾今持我詩西見一重臣成賢必念  
舊保節在安貧清時為丞郎氣力侔陶鈞乞取斗升水因  
之雲漢津

送常道冲秀才赴制舉

前人

驚禽一辭巢栖息無少安秋翁一離手流塵蔽霜紈故侶  
不可追涼風日已寒遠逢杜陵士別盡平生歡逐客無印  
綬楚江多芷蘭因君時暇遊長鋏不復彈閱書南軒齋  
瑟清夜闌萬境身外寂一盃腹中寬伊昔玄宗朝冬鄉

簪纓肅穆升內殿從容頂高集作冠游夏無措詞陽秋

不刊至今群玉府學者空縱觀世人希德門揭若攀峰巒

之子尚集作明訓鏘如振琅玕一旦西上書班裳拂行集

征鞍荆臺宿暮雨漢水浮春瀾君門起天中多士如星攢

煙霞覆雙闕扑舞羅千官清漏滴銅壺仙厨下雕盤熒煌

仰金榜錯落飛濡翰古來長策人所嘆遭時難一鳴從此

始相望青雲端

送湘陽熊判官孺登府罷歸鍾陵因寄呈江西裴

中丞二十三兄

前人

射策志未就從事府云除篋留馬卿賦袖有劉弘書忽見  
夏木深帳然億吾廬復持州民刺歸謁專城居君家誠易



知勝絕傾里閭人言北郭生門有卿相與鍾陵藹千里帶

郭西江水朱檻照河宮旗亭綠雲裏前年初缺守慎簡由

宸袞臨軒弄郡章得人方付此是時左馮翊天下第一理

貴臣持牙璋優詔發青紙迎風奸集作行吏免先令疲人喜

何武劾腐儒陳蕃禮高士昔昇君子堂腰下綬猶黃中丞特為

萬年汾陰有寶氣赤華多奇鏗束簡下曲臺佩鞬來歷陽

綺筵陪一笑蘭室襲餘芳集作蘭堂風水忽異勢江湖遂

相忘因君忽集作儻借問為話老滄浪

送華陰張蒼赴邕府使幕張即燕公之孫前人

昔忝南宮郎往來東觀頰嘗披燕文傳聳若窺三辰翊聖

崇國本保賢正朝倫高視緬今古清風愛無隣蘭綺照通

衢一家十朱輪鄧國嗣侯絕薦鄉貴業貧夫子成集作大

名少年振芳塵青袍仙掌下矯首陵煙曼公冶本非罪潘

郎一為民風霜苦摧落堅白無緇磷一旦逢良時天光燭

幽淪重為長裾客佐彼觀風臣分野窮禹畫人烟過虞巡

不言此行遠所樂相知新雨起巫山陽鳥鳴湘水濱離筵

出蒼莽別曲多怨愁辛今朝一杯酒明日千里人從此孤舟

去悠悠天海春

送鄭尚書出鎮南海

張籍

遠鎮承新命王程不假催班行爭路送恩賜集作併時來

牙旆從城展兵符到府開蠻聲集作流喧夜市海色潤朝集

臺殘角天邊月塞關嶺上梅共知公望重多是隔年廻



送嚴大夫之桂州

前人

旌旆過湘潭，幽竒得遍探。莎城百越北，行路九疑南。有地多生桂，無時不養蠶。聽歌疑似集作難辨曲，風俗自相諳。

送蠻客

前人

借問炎州客，天南幾日行。江連惡谿路，山遶夜郎城。柳葉

瘴雲濕，桂林蠻鳥驚。

集作桂叢蠻鳥聲

知君却迴日，記得梅花名。

送遠人

集作別北旅思

前人

日日望鄉國，空歌白紵詞。常

集作長

因送人處，憶得別家時。

失意還獨語，多愁白不

集作怨自

知客亭門外，柳折盡向南枝。

送遠客

前人

南原相送處，秋草水邊生。同作一

集作憶

鄉客，今知

集作如今分

路行因誰寄迴

集作歸

信漸遠，向

集作問

前程。明日重陽節，無

人上古城。

送海南客歸舊島

前人

海上歸

集作去

應遠蠻家雲，島孤竹船來。桂浦山地

集作市

賣

魚鬚入國自獻錦

集作寶

逢人多贈珠，却迴

集作歸

春洞口，斬

象祭天吳。

送人往濟南

集作陰

前人

黃綬在腰下，知君非旅行。將書報舊里，留褐與諸生。贈別

盡沽酒，惜歡多出城。春風濟水上，候吏聽車聲。

送越客

前人

見說孤帆去，東南到會稽。春雲剡溪口，殘月鏡湖西。水鶴



沙邊宿

集作立

山麓竹裏啼謝家曾住處烟洞入應迷

送韓

集作帝

評事歸華陰

前人

蓮花峰下住

集作三峯西面住

出見世人希白髮集作老大誰相識青

山

集作西惶

又獨歸拂牕秋菌落開篋蟄蛾飛若訪雲中伴還

應着褐衣

送南客

前人

行路雨脩脩青山盡海頭天涯人去遠嶺北水迴

集作南空流

夜市連銅柱巢居屬象州來時舊相識誰向日邊

集作南遊

送朱慶餘及第歸越

前人

東南歸路遠幾日到鄉中有寺山皆遍無家水不通湖聲

蓮葉雨對色

集作

稻花化風州縣知名久爭邀與客同

前人

楊柳閭門外

集作路

悠悠水岸斜乘船

集作舟

向山寺着袂

集作

好迴日莫令賒

集作

家夜月紅柑樹秋風白藕花江天詩境

集作景

送友人歸山

前人

出山成白首重去結茅廬移石脩廢井掃龕盛舊書開田

留杏樹分洞與僧居長在幽峰裏樵人見亦踈

集作初

送李評事遊越

前人

未習風塵事初為吳越遊露沾湖草晚

集作

日照海山秋

梅市門何在蘭亭水尚流西陵待潮處知汝不勝愁

送李騎曹靈川歸覲

前人



翩翩出上京幾日到邊城漸覺風沙處還將弓箭行席箕  
侵路暗野馬見人驚軍府知歸慶應教數騎迎

送裴相公赴鎮太原 前人

盛德雄名遠近知功高先乞守藩維啣恩乍集作暫遣分龍

節署勅還同在鳳池天子親臨樓上送朝官齊出道傍集作

邊辭明年塞北諸藩守集作落應起生祠請立碑

送李司空赴鎮襄陽 前人

中外兼權社稷臣千官齊出拜行塵再調公鼎勛庸盛三

受兵符寵命新商路雪開旌旆遠集作展楚堤梅發驛亭春

襄陽風景由來好重與江山作主人

送南海鄭尚書 前人

聖朝選將持符節內制宣時百辟聽海北蠻夷來蹈舞嶺

南封館送圖經白鵬飛遶迎官舫紅槿開當宴客亭此處

莫言多瘴癘天邊看取老人星

送侯判官赴廣州從事集作軍 前人

年少才多求自展將身萬里赴軍門辟書遠至集作到開呈

客公服新成着謝恩驛舫過江分白候戍樓集作亭當嶺見

紅旛海花鬢草連冬有行處無家不蒲園

送楊少尹赴蒲集作蒲城 前人

官為本府當身榮因得還鄉任野情自廢田園今作主每

逢耆老不呼名舊遊寺裏僧應識新別橋邊樹亦集作已成

公事多閑詩更好將誰相送集作逐上山行



送枝江劉明府

前人

老着青衫爲楚宰平生志業有誰知家僮從去愁行遠縣吏迎來恠到遲定訪玉泉幽院宿應過碧澗早茶時向南漸漸雲山好一路遙聞唱竹枝

送浙東

集作西周阮範判官

前人

由來身集作自是烟霞客早已聞名詩酒間天闕因將賀表

至江城應集作卿新着賜衣還常吟卷裏新集作相酬句自話

湖中集作邊舊住山吳越主人皆集作遍愛重多應不肯放君

閑

送友人盧處士遊吳越

前人一作温庭筠

羨君東去見殘梅唯有王孫獨未回吳苑夕陽明古堞越

宮春草上高臺波生遠一作野水鴈初下風蒲驛樓潮欲來

試問一作逐漁舟看雪浪幾多江燕荇花開

送蜀客

前人

蜀客南行過碧溪木綿花發錦江西山橋日落人來集作晚行

少時見猩猩上樹一作樹上啼

送入蜀客

前人

行盡青山見益州錦城樓下二江流杜家曾向此中住爲

到浣花溪上集作水頭

送東川馬逢侍御使廻十韻

元稹

風水荆門瀾文章蜀地豪眠青賓禮重眉白衆情高思湧曾吞筆投虛慣用刀詞鋒倚天劔學海駕雲濤南郡傳紗



帳東方讓錦袍旋吟新樂府便續古離騷雪岸猶封草春  
江欲蒲槽餞筵君置醴隨俗我鋪糟莫歎巴三峽休驚鬢  
二毛流年等閑過人世各勞勞

送崔侍御之嶺南二十韻

前人

漢法戎施幕秦官郡置監蕭何歸舊印鮑永授新

銜幣聘雖盈篋泥章未破緘蛛懸絲繚繞鵲報語詰誦再

礪神羊角重開憲簡函崔君前任擊纓驄赴赴綏珮綉絲

緣音逸翮憐鴻翥離心覺刃剗聯遊虧片玉洞照失明鑒

遙想車登嶺那無浹蒲衫茅蒸連蟒氣衣漬度梅賦象闔

綠溪竹猿啼帶雨衫颺風狂浩浩韶石峻嶮嶮宿浦宜深

泊祈瀧在至誠江期早渡毒草莫親芟試盡看銀

黜非腥貴食鹹菌須盡已嘉果重烏先鷓冰瑩懷貪水霜

清頭痛巖珠璣當盡擲蕙苾詎能諛荆俗期王粲吾生問

季咸遠書多不達勤爲枉擻擻

送王協律遊杭越十韻

前人

去去莫悽悽餘杭接會稽松門天竹寺花洞若耶溪浣渚

逢新艷蘭亭識舊題山經秦帝望壘辨越王棲一作江樹

春當早城頭月易低鏡呈湖面出雲壘海潮齊章

甫官人戴尊絲姹女提長竿迎客鬧小市隔烟迷紙

亂紅藍壓甌凝碧玉泥荆南無底物來日爲儂携

送王十一南行

前人

夏水漾天末晚暘依岸村風調烏尾勁眷戀餘芳罇解袂



方瞬息征帆已翻翻江豚涌高浪楓樹搖去菟遠成宗侶  
泊暮烟洲渚昏離心詎幾許驟若移寒温此別信非久胡  
爲坐憂煩我留石難轉君泛雲無根萬里湖南月三聲山  
上猿從茲耿幽夢夜夜湘與沅

此卷校正一百字兩日以來人事紛沓屢乘暇粗完一卷

殊自愧也 五月十八日沅州

文苑英華卷第二百七十七 已卯冬至依字本重校又補三十三字 藏園記

文苑英華卷第二百七十八 詩一百二十八

送行十三

白居易十二首 殷堯藩一首

姚合十二首 章孝標一首

施有吾一首 袁不約一首

劉商六首 朱慶餘十首

賈島二十四首

洛下送牛相公出鎮淮南 白居易

北闕至東京風光十六程坐移丞相閣春入廣陵城紅旆

擁雙節白鬢無一莖萬人開路看百吏立班迎閩外君彌

重樽前我亦榮何須身自得將相是門生

元和初牛相公應制  
策登第三等余為  
翰林考覆官



送武士曹歸蜀士曹即武中丞兄 前人

花落鳥嚶嚶南歸稱野情月宜秦嶺過集作宿春好蜀川集作

江行江集作路通雲棧郊扉近錦城烏臺陟岡老人集作送

羨別時榮

江西集作雨夜送客 前人

雲黑雨脩脩江昏水暗流有風催解纜無月伴登樓酒罷

無多興帆開不少留唯看一點火遙認是行舟

送友人上峽赴東川辟命 前人

見說瞿唐峽斜橫集作灩澦根難於尋鳥道險過上龍門

羊角風頭急桃花水色渾山迴若鼇轉舟入似鯨吞岸合

愁天斷波跳恐地翻憐君經此去為感主人恩

送令狐相公赴太原 前人

六纛雙旌萬鐵衣弁汾舊路滿光輝青衫書記何年去紅

旆將軍昨日歸詩作馬蹏隨筆走獵酣鷹翅伴觥飛北都

莫作多時計再為蒼生入紫薇

送令狐尚書赴東都留守 前人

翠華黃屋未東巡碧落青嵩付大臣地稱高情多水竹山

宜閑望少風塵龍門即擬為遊客金谷先憑作主人歌酒

家家花處處莫空管領上陽春

送徐州高僕射赴鎮 前人

伏集作紅旆引碧油集作旌新拜將軍指點行戰將易求

何足貴書生難得始堪榮離筵歌舞化叢散候騎刀鎗雪



隊迎應咲蹉跎白頭尹風塵唯管洛陽城

送靳春李十九使君赴郡 前人

可憐官職好文詞五十專城未是遲曉日鏡前無白髮春  
風門外有紅旗郡中何處堪携酒席上誰人解和詩唯共  
交親開口咲知君不及洛陽時

送河南尹馮學士赴任 前人

石渠金谷中間路軒騎翩翩十日程清洛飲水添苦節碧  
嵩看雪助高情謾誇河北操旄鉞莫羨江南擁旆旌特新除二  
鎮節何似府寮京令外別教三十六峯迎

送唐州崔使君侍親赴任 前人

連持使節歷專城獨賀崔侯最慶榮烏府一拋霜簡去朱

輪四從板輿行即中從殿中連典四郡皆侍親赴任發時正許沙鷗送到日

方乘兼集作竹馬迎唯慮郡齋賓友少兼作盃春酒共誰

傾

送陝州王司馬赴任 前人

陝州司馬去何如養病集作資貧兩有餘公事閑忙同少

尹俸錢多少散敵尚書只携美酒為行伴集作獨集作作新詩趁

下車自得集作有鐵牛無詠者料君投刃必應虛

送客 前人

病上藍輿相送來衰容秋思兩悠悠哉涼風娟娟吹槐子却  
請行人勸一杯

送客遊吳 殷堯藩



吳國水中央波濤白渺茫衣逢梅雨漬船入稻花香海戍  
通塩窰山村帶蜜房欲知蘇小小君試到錢塘

送別賈島

姚合

懶作歸鄉客

集作佳山人

官家有賃身書多筆

集作筌

漸重卧少

枕長新野客在無過詩仙瘦始真秋風千里去誰與我相  
親

送任畹及第歸蜀

前人

子規啼欲死君聽固無愁闕下聲名出鄉中意氣游東川  
橫劍閣南斗近刀州神聖題橋集作前字千人看不休

送饒州張使君

前人

鄱陽勝事聞難比千里連連是稻畦山寺去時通水路都

圖開處是詩題化行應免農人困庭靜惟多野鶴栖飲罷  
春朋門外別蕭條驛路夕陽低

送徐員外赴河中從事

前人

赤府從軍羨儒衣結束輕涼颺下山寺曉浪滿關城閑坐  
生集作饒詩景高眠散酒醒集作長將軍呈集作不戰術計日

立功名

送巢縣裴明府

前人

見說為官處煙霞思不窮夜徠啼戶外瀑水落厨中名藥  
人難識仙山路盡集作易通還施清集作還淨化誰復與君

同

送王澹

前人



常看集作為官處門前數樹松尋山屐費齒書石筆無鋒  
菓熟猿偷亂花繁鳥語重今來為客去借集作取最高峯

送王集作秘書遊魏川集作 前人

太行山下路荆棘昨來平一自開元後至今通集作客行

地形吞北虜人事接東京掃灑塵埃集作靜遊從氣味生

薊門春不艷淇水暖還清看野風情遠綠花酒病成官閑

身自在詩逸語縱橫車馬迴應晚煙光滿去程

送陳彤之集作赴江寧從事 前人

荆州勝事眾家集作開幕下今朝又得君才子何須守集

籍科第男兒終久要功勳江村竹樹多於草山路塵埃半

是雲新什定知饒景思不應一向賦從軍

送源中丞使新羅 前人

赤墀賜對使殊方官重霜臺紫綬光王節在船清海惟金

函開詔撫集作夷王雲晴漸覺山川異風便寧知道路長

誰得似君將雨露海東萬里灑扶桑

送張宗原 前人

東門送客道春色如死灰一客失意行十客顏色迴文粹

住者既無家去者又非歸窮愁一成疾百藥不可治子賢

我且愚命分不合齊誰開蹇躓門日日同遊栖子行何所

切集作所切食與衣誰能買仁義令子無寒飢野田不生

草四向生路岐士人甚商賈終日須東西鴻鴈春北去秋

風復南飛勉君向前路無失相見期

集作切切

集作詩好語分明



送任畹評事赴沂海

前人

擲筆不作尉戎衣從嫖姚嚴冬入都門僕馬氣益豪沂州  
右鎮雄士勇旌旗高洛東無憂虞半夜開虎牢丈夫貴功  
勛不貴爵祿饒仰眠作書生衣食何由銷任生非常才臨  
事膽不搖必當展長畫逆波斬鯨鼉九陌塵土黑話別立  
遠郊孟堅勒燕然豈獨在漢朝

送李餘及第歸蜀

前人

蜀山高岩堯蜀客無平才日飲錦江水文章盈其懷十年  
作貢賓九年多遭廻春來登高科升天得梯階手持冬集  
書還家獻庭闈人生此為榮得如君者稀李白蜀道難蓋  
為無成歸子今稱意行所歷安覺危與子久相從今朝忽

乖離風飄海中船會合難自期長安米價高伊我常渴饑  
臨岐歌送子無聲但陳詞義交外不親利交內相違勉子  
慎其道急若食與衣苦藝疑作熱道路亦疑作赤行人念前馳  
一杯不可輕遠別方自茲

送饒州張蒙使君赴任

李孝標

饒陽因富得州名不獨農桑別有營日暖持集作提筐依茗  
樹天陰把火入銀坑江寒魚動槍旗影山晚集作曉雲和鼓  
角聲太守能詩兼愛靜西樓見月幾篇成

送人集作客南遊

施肩吾

見說南行集作遊偏不易中途莫忘寄書頻凌空瘴氣空飛  
鳥解語山魃惱病人閩縣綠娥能引客泉州烏藥好集作可



防身異花奇竹分明看待汝歸來盡取真

送人至嶺南

袁不約

度嶺春風暖花多不識名瘴煙迷月色巴路傍溪聲畏藥  
將銀試防蛟避水行知君憐酒興莫殺醉猩猩

送廬州賈使君拜命

劉商

考績朝稱貴時清武用文二天移外府三命佐元勳佩玉  
兼高位攬金闕上軍威容冠是鐵圖畫閣名芸人詠甘棠  
茂童謠竹馬群懸旌風肅肅卧轍浹紛紛特達恩難報昇  
沉路易分侯羸不得從心逐信陵君

送林衮侍御東陽秩滿赴上都

前人

幾年烏府內何處逐鳧歸關吏迷驄馬銅鍾累繡衣野人

山草綠客路柳花飛况復長安遠音書從此稀

送楊閑侍御拜命赴上都

前人

賀客移星使絲綸出紫微手中霜作簡身上綉為衣駉馬  
朝天疾臺鳥向日飛親逢皆避路不是送人稀

送李元規昆季赴舉

前人

見誦甘泉賦心期折桂歸鳳雛皆五色鴻漸又雙飛別思  
看衰柳秋風動客衣明朝問禮處斲覺鴈行稀

送人之江東

前人

含香仍佩玉宜入鏡中行盡室隨乘輿扁舟不計程渡江  
霖雨霽對月夜潮生莫慮當炎暑稽山水木清

滑州送人先歸

前人



河水冰消鴈北飛  
寒衣未足又春衣  
自憐漂蕩經年客  
送別千廻獨未歸

送壁州劉使君

朱慶餘

王府登朝後  
巴香典郡新  
江分入峽路  
山見採鞭人  
舊業孤城夢  
生祠幾處身  
知君素清儉  
料得却來貧

送盛隨軍

前人

莫辭東路遠  
此別豈閑行  
職處中軍要  
官兼上佐榮  
野亭嵐色暗  
秋水藕花明  
拜省期將近  
孤舟促去程

送常校書赴靈州幕

前人

共知行處樂  
猶惜此時分  
職已爲書記  
官曾校典墳  
塞城初落葉  
高樹晚集作遠生雲  
邊事何須問  
深謀祇在君

送崔秀才遊江陵

前人

樽前荆楚客  
雲外思榮迴  
秦野春已盡  
商山花正開  
鷗鷺帆乍起  
江見雨初來  
自有歸期在  
蟬聲處處催

送淮陰丁明府

前人

之官未入境  
已有愛民心  
遣吏迴中路  
停船集作車對遠林  
鳥聲淮浪靜  
雨色集作氣稻苗深  
暇日公門掩  
惟應伴客吟

送常繇校書赴浙東幕

前人

丞相辟書新  
秋關獨去人  
官離芸閣早  
名占甲科頻  
水驛迎船火  
山城候吏塵  
湖邊寄家去  
到日倍榮親

送饒州張使君

前人

白頭爲郡清  
秋別山水南  
行豈覺賒楚  
老已集作只應思入



境吳門從此去移家館依高嶺分樟葉路出重江見蓄花  
務退惟當吟味苦留心曾不在天生集作涯

送郡州林使君

前人

軒車此去也逢時地屬湘南頗入詩一月計程那是遠中  
年出守未為遲水邊花氣薰章服嶺上嵐光濕畫旗想得  
化行風土變州人應為立生祠

送劉思復南河從軍

前人

七千里別寧無恨且貴從軍樂事多不駐節旄先候發偶  
逢山寺亦難過蠻人猶放畚田火海獸群遊落日波遠作  
受恩身不易莫拋書劍近笙歌

送浙東周巡判官

前人

久聞從事滄江外誰謂無官已白頭來備戎裝嘶數騎去  
持冊詔入孤舟蟬鳴驛樹集作遠驛殘陽遠集作樹鷺起潮田夕  
集作片雨秋到日重陪丞相宴鏡湖新月在城樓

送殷侍御赴同州

賈島

馮翊滿西郡沙岡擁地形中條全離岳清渭半和涇夜夕  
眠明月秋新集作深至洞庭由來交臂者集作碎士事事集作別偃  
林高

送皇甫侍御

前人

曉鍾催早朝獨自赴嘉招舟泊襄江闊田收楚澤遙鴈驚  
起衰草猿渴下寒條來使黔南日時應問寂寥

送陳判官赴天德

前人



將軍邀入幕束帶便離家身煖蕉衣窄天寒積日斜火燒  
岡斷草風捲雪餘沙絲竹豐州有春來祗欠花

送唐瓌歸敷水莊

前人

毛女峰當戶日高頭未梳地侵山影掃葉帶露痕書松逕  
僧尋藥沙泉鶴見魚一川人境別集作風景好恨不有吾廬

送裴校書

前人

拜官從祕省署職在藩維多故長踈索高秋遠別離天寒  
泗上醉夜靜岳陽暮使府臨南海帆飛到不遲

送杜秀才東遊

前人

東遊誰見待盡室寄長安別夜葉頻落登途集作去程山已寒  
大河風色渡曠野燒烟殘匣有青銅鏡時將照鬢看

送人南歸

前人

分手向天涯迢迢泛海波雖然南地遠見說北人多山暖  
花常發秋深鴈不過炎方饒勝事此去莫蹉跎

送人南遊

前人

此別天涯遠孤舟泛海中夜行常認火帆去每因風蠻國  
人多富炎方語不同鴈飛難度嶺書信若為通

送鄒明甫遊靈武

前人

魯宰西畿縣三年馬不肥債多憑劍與官滿載書歸邊雪  
藏行逕林風透卧衣靈州聽曉角客館未開扉

送朱可久歸越中

前人

石頭城下泊北固暝鍾初汀鷺潮衝起船窓月過處吳山



文苑英華 卷一百一十五  
侵越衆階柳入塘。踈日欲躬調膳。辟來何府書。

送崔定

前人

未知遊子意。何不避炎蒸。幾日到漢水。新蟬鳴杜陵。秋江待得月。夜話集作恨無僧。巴峽吟過否。連天十二層。

送姚杭州

前人

白雲峰下城。日夕白雲生。人釣魚江老。集作人老田侵海樹耕。吳山鍾入越。蓮葉吹搖旌。詩異石門思。濤來閣上集作

向越迎

送黃和知新歸安南

前人

池亭沉飲偏。非獨曲江花。地遠路穿海。春歸冬到家。火山難下雪。瘴土不生茶。知決秋集作來計相逢。期尚賒。

送田卓入華山

前人

幽深是是暮蟬。驚覺石床眠。瀑布五千仞。草堂瀑布邊。檀松涓滴露。嶽月沉寥天。鶴過君須看。上頭應有仙。

送人適越

前人

高城滿夕陽。何事欲沾裳。遷客蓬蒿暮。遊人道路長。晴湖勝鏡碧。寒柳似金黃。若有相思夢。殷殷動載八行。

送饒州張使君

前人

終南雲雨連。城闕去路西。江白浪頭滌。上郡齋離昨日。鄱陽農事勸。今秋道心生。向前朝寺文。思來因靜夜。樓借問泊帆。干謁者誰人。曾聽峽猿愁。

送陝府王建司馬

前人



文苑英華 卷一百一十五  
司馬雖然聽曉鍾尚猶高枕恣踈慵請詩僧過三門水賣  
藥人歸五老峰移舫綠萍深處息登樓涼夜此時逢杜陵  
惆悵臨相餞未寢月前多履集作展蹤

送羅少府歸牛渚

前人

作尉長安三月罷

集作三月

忽思牛渚夢天台楚山遠色獨歸

去灞水空流相送迴霜覆鶴身松子落月分螢影石房開  
白雲多處應頻到寒澗冷冷濺集作漱古苔

送沈秀才下第東歸

前人

曲言惡者誰悅耳如彈絲直言好者誰刺耳如長錐沈生  
才俊秀心腸無邪欺君子忌苟合擇交如求師毀出嫉夫  
口騰人禮部闈下第子不恥遺才人耻之東歸家堂遠棹

纒時參差浙雲近吳見汴柳接楚垂明年春光別迴首不  
復疑

送周判官元範赴越

前人

原下相逢便別離蟬鳴關路使回時過淮漸有懸帆興到  
越應將墜葉期城上秋山生菊早驛西寒渡落潮遲巴魯  
幾徧隨旌旆去謁荒郊集作涼大禹祠

送陳商

前人

古道長荆棘新歧路交橫君於荒榛中尋得古轍行足踏  
聖人路貌端禪士形我曾接夜談似聽講一經聯翻魯數  
舉昨登高第名釜底絕烟火曉行皇帝京上客遠府遊主  
人須月明青雲別青山何日復同升



送張校書李霞

前人

從京去容州馬在船上多容州幾千里直傍青天涯掌記  
試校書未稱高詞華義枉不可屈出家如入家城市七月  
初熱與夏未差餞君到野地秋涼滿山坡南境異北候風  
起無塵沙秦吟宿楚澤海酒落桂花暫醉即還醒彼土生  
桂茶

送汲鵬

前人

淮南卧理後復逢君姓汲文采非尋常志願期卓立深江  
東泛舟夕陽眺原隰夏夜言詩會往往追不及

送集文上人遊方

前人

來從道路井去求溪邊會分首芳草時遠意青天外此遊

諧幾獄萬華衡恒泰

校定九十三字

十八日入夜又強校一卷

文苑英華卷第二百七十八

已卯冬至日依宋本重校又行

正九字



文苑英華卷第二百七十九

詩一百二十九

送行十四

厲玄二首

劉三復一首

釋無可十七首

劉得仁十五首

于武陵二首

周賀十三首

溫庭筠十二首

紀唐夫一首

李群玉二首

張祐九首

陳陶四首

送顧非熊及第歸茅山

厲玄

故山登第去不似舊歸難  
帆卷江初夜梅生洞少寒  
採薇留客飲折竹掃仙壇  
名在議曹籍何人肯掛冠



送黃曄明府岳州湘陰赴任 前人

恩霑譴雪幾人同歸宰湘陰六月中商嶺馬嘶殘暑雨席  
帆高掛早秋風貢名頻向書闈失飛檄曾傳朔漠空西省  
尚嗟君宦遠水雞啼處莫聽鴻

同前 劉三復

擬占名場第一科龍門十上困風波三年護塞從戎遠萬  
里投荒失意多花縣到時銅墨貴葉舟行處水雲和遙知  
布惠蘇民後應向祠堂弔汨羅

送姚中丞赴陝州 釋無可

三陝周分地恩除左掖臣門闌開幕重捨甲下天新夾道  
行霜騎迎風滿草人河流銀漢水城賽鐵牛神意氣思高

九字白文

謝依違許上陳何妨向紅旆自與白雲親 以下十七篇并見集本

送李使君赴瓊州兼五州招討使 前人

分竹雄兼使南方到海行臨門雙旆引隔嶺五舟迎猿鶴  
同枝宿蘭蕉夾道生雲垂前騎失山豁去帆輕雨露蒸秋  
岸潮濤震夜城政閑開迥閣歌枕島風清

送呂郎中赴海州 前人

出守滄州去西風送旆旌路遙經 集作過 幾郡地盡到孤城  
拜廟千山綠登 集作開 樓遍海晴何人共東望月向積濤生

夏日送田中丞赴蔡州 前人

出守海南城應多戀闕情地遙人久望風起旆初行楚廟  
繁蟬斷淮田細雨生賞心知有處蔣宅古津平 海南又玄集作汝南



送薛重中丞克太原副使

前人

中書華省外集作出

華

副相晉陽行書答偏州啓籌叅上將

營踏沙寒馬細收

集作吹

兩曉笳清正報胡塵城桃花汾水

生

送靈武李侍御

前人

靈州天一涯幕客似還家地得江南壤程分磧裏沙鹽調

上味貢

集作禁盞

麥穗

集作貢麥

結秋花前席因籌畫清吟塞

日斜

冬夜姚侍御宅送李廓少府

前人

王事圭峰下將還禁漏餘偶歡新歲近惜別後期踈雪罷

見來吏川昏聊整車獨吟多暇日庶寄栢臺書

送喻兗及第歸陽羨

前人

姓字戴載

科名無過子最榮宗中初及第江上覲難兄月向

波濤沒芥連洞壑生石橋高思在且為看東坑

送人罷舉東遊

前人

東堂今已召復此遠行難兼兩風聲過連天草色乾鴻嘶

荒壘閉兵燒川廣寒若向龍門宿懸知拭淚看

送姚明府赴招義縣

前人

濠梁古縣城結束赴王程道路携家去波濤隔月行車臨

芳草下吏踏落花迎暮郭山遙在春洲鳥不驚風煙樵國

遠桑柘楚田平何似書能化長淮澈海清

送阮江宋明府即開府景之孫 前人



集作  
補

初開從事日鄂渚動芳菲一遂鈞衡薦今為長史歸人臨  
沅水望鴈映楚山飛唯有傳聲政家風重發輝

送宜春裴明府是將軍旻之孫 前人

垂白方為縣徒集作從知大父雄山春南去棹楚夜北飛鴻

疊嶂和雲滅孤城與嶺通誰知持惠化一境動清風

送李少府之臨邛 前人

邛南方作尉調補一何卑發論唯公幹承家乃帝枝山長

風裊棧江陰石和澗舊井并王孫宅過尋獨有期

送王集作姚明府之任安福 前人

落絮滿衣裳携琴問水鄉掛帆南入楚到縣半浮湘吏散

翠禽下庭閑班竹長人安知遠泛沙上薰蘭芳

夏日送崔秀才 前人

南方山水地念子為貧遊縱是逢佳境那能緩旅愁夕陽

行遠道煩暑在孤舟莫向巴江過猿聲蹙淚流

送杜司馬再遊蜀中 前人

為客應非願愁成欲別時還遊蜀國去不惜杜陵期劍水

啼猿在關林轉棧遲日光低峽口雨勢出娥眉川迥遲集作

逢山迥殘角山集作開識遠夷勿令雙鬢髮併向錦城衰

送薛秀才遊河中兼投任郎中留後 前人

詩古賦縱橫令人畏後生駕言遊禹跡知已在蒲城月集作

日射雲烟散風吹草木榮孤吟臨寇境莫欲請長纓

送鄂州崔大夫赴鎮 前人

集作  
聲但

集作  
秋

下指目無可十七首此首以  
下皆作劉得仁鈔本  
亦作前以



廉問帝難人朝廷輟重臣入山初有雪登路正無塵去國  
鳴騶緩經雲住旆頻千峰與萬木親聽雨情新

送錢給事赴虢州

前人

帝心憂號俗暫輟掖集作垣臣疲瘵初承制鄉閭似得春  
化成應有瑞位重轉聞貧用作鹽梅日爭迴卧轍人

送雍陶侍御赴兗州裴尚書命一作前人

綸閣知孤直翻論北巷賢且縻蓮府集作裏會致玉堦前

洙泗秋微動龜蒙月正圓元戎軍務息清句待君聯

送姚合郎中任杭州

前人

水陸中分程看花一月行會稽山隔浪天竺樹連城候吏  
齎魚印迎船載旆旌渡江春始半嶼嶼草初生

送新羅人歸本國

前人

鷄林隔巨浸一往一年行日近國先曙風吹海不平眼穿  
鄉井樹頭白渺瀰程到彼星霜換集作唐家語却生

送靈武朱書記

前人

靈師與誰善得君賓幕中從容應盡禮贊畫致元集作功  
連虜雲長慘纔秋樹半空相如偏自愜掌記復乘驄

早春送湘潭李少府之任

前人

柳新春水涓春岸草離離祖席酒忽盡集作行人淚

自垂業文傳不集作朽集作作尉豈多時公退琴堂上風吹集

來班竹枝

送越客歸

前人

侍御時在裴  
舍人門館

集作  
邊



霜薄東南地江楓落未齊衆山秋楚上孤棹宿吳西渚客  
留僧語檻猿失子啼到家冬即是荷盡若耶溪

送河池李明府之任

前人

河池安所理種柳與彈琴自合清時化仍資白首吟程餘  
行片月公退入遙林想得除民瘼長施父母心

送車濤集作備罷舉歸山

前人

朝是暮還非人情冷暖移浮生只如此強進欲何為要路  
知無援深山必遇師憐君明厥集作此理休去不遲疑

送蔡京侍御赴大梁幕集作辟

前人

同城各多故會面亦稀踈及道須相別臨岐恨有餘梁園  
飛楚鳥汴水走淮魚衆說裁軍檄陳琳遠不如

送王書記歸邠州

前人

陳琳輕一別上馬意超然來日行煩暑歸時早聽蟬陰雲  
翳城郭細雨茶山川從事公劉地元戎舊禮賢

送謝觀之劍南從事

前人

迢遞從知己他人敢更言離京雖未臘到府已應喧飛急  
奔行鴈啼酸憶子猿江山無限思君擬共誰論

送周鉞往江夏

前人

東西南北郡自說遍曾遊人世終多故集作欲皇都不少留  
郢城帆過夜漢水月集作漢月方秋此謁親知去集作後聞猿

空有集作豈鮮愁

送顧非熊作尉盱眙

前人

字本作周鉞

集作畫計



一名兼一尉未足是君伸歷數為詩者多來作諫臣路翻  
平楚鳥草帶古淮薪天下雖云大同人有幾人

送客東歸

前人

一聽遊子歌秋計覺蹉跎四海少平路百川無定波共驚  
年已暮俱向客中多又駕征輪去東歸將若何

送鄴縣董明府之任

前人

南北行已久憐君知苦辛萬家同草木三載返陽春東道  
聽遊子夷門歌主人空持語相送應怪不沾巾

送唐紹歸建業

周賀

南朝秋色滿君去思如何帝業空城在民田壞塚多月圓  
臺獨上栗綻寺頻過籬下西江闊相思見白波

送客

九一百六十一卷

前人

送陸判官防秋

前人

疋馬無窮地三年逐大軍筭程淮色一作淮色遠起帳夕陽曛

瀑水行時激邊笳語次聞要傳詩一作書禮去應到磧西一作

東雲

送從兄南遊

前人

山水疊層層吾兄涉復又集作登掛帆春背鴈尋磬夜逢僧

雪溜懸衡岳集作江雲蓋秣陵評文來集作不安此說是

中興

長安送鄉人

前人

上國多離別年年渭水濱空將未歸意欲說向行人兩度



池塘草山連井邑春臨歧惜分手日暮一沾巾

送揚嶽歸巴陵

前人

何處得鄉信告行當雨天人離京口日潮入集作送岳陽船

孤鳥背林一作秋色遠帆開浦煙悲君唯此別不肯話廻年

送張洎疑之陸州

前人

遙憶新安舊扁舟往復還淺深看水石來往逐雲山到縣  
餘花在過門五柳閑東征隨子去俱隱薜蘿間

送省已上人歸太原

前人

惜別聽邊漏窓燈落盡重寒僧回絕塞夕雪下窮冬出馬  
聞殘角休兵見壞鋒何年更來此老却倚塔松

送朱慶餘

前人

野客行無定全家在浦東寄眠僧閣靜贈別橐金空舊里  
千山隔歸舟百計同藥資如有分相約老吳中

送友人

前人

彈琴多去情浮檝背潮行人望豐壩宿蠹依蠹木鳴樞烟  
連浦色蘆雨入船聲如疾登雲路憑君寄此生

送石協律歸吳

前人

僧窓夢後憶歸耕水涉應多半月程幕府罷來無藥價沙  
中戴載去有山情夜隨靜渚離蛩語早過寒潮背井行已讓  
辟書稱抱疾滄洲便許白髭生

送韓評事

前人

門枕平集作重湖秋景好水雲松色遠相依罷官餘俸租田



種送客廻船載石歸離岸遊魚逢浪退望巢寒鳥逆風飛  
嵩陽舊業集作隱多特別閑月行吟入翠微

送郭秀才歸金陵

前人

夏後客堂黃業多又懷家國起悲歌酒前欲別語難盡雲  
際相思心若何鳥下獨山秋寺磬人隨大舸晚江波南除  
舊業幾時到門掩殘陽積翠蘿

送人遊淮海

溫廷筠

背櫓燈色暗宿客夢初成半夜竹窓雨滿池荷葉聲簾掠  
秋閣思木落故山情明發又愁起桂花溪水清

送渤海王子歸本國

前人

疆理雖重海車書本一家盛勳歸舊國佳句在中華定界

分秋漲開帆到曙霞九門風月好回首是天涯

送人東遊

前人

荒戍落黃葉浩然誰故關高風漢陽渡初日郢門山江上  
幾人在天涯孤棹還何當重相見樽酒慰離顏

送洛南尉之官

集作李  
主簿

前人

想君秦塞外因見遠

集作應  
見楚

山清榭葉曉迷路枳花春滿

庭祿優仍待膳官散得專經余亦還愚谷歸心在翠屏

送北陽表明府

前人

楚鄉千里路君去及良晨葦浦迎船火茶山候吏塵桑濃  
蚕卧晚麥秀雉聲春莫作東籬興青雲有故人

送李生歸舊居

前人



一從征戰後故社幾人歸薄宦離山久高談與世稀夕陽  
當板檻春日入柴扉莫却嚴灘意西溪有釣磯

送淮陰縣令

前人

隋堤楊柳烟孤棹正悠然蕭寺通淮戍蕪城枕楚田魚鹽  
橋上市燈火雨中船故老青葭岸先知宓子賢

早春瀝水送友人

前人

青門烟野外渡瀝送行人鴨卧溪沙暖鳩鳴社樹春殘波  
青有石幽草綠無塵楊柳東風裏相看淚滿巾

送襄州李中丞赴從事

前人

漢庭文彩有相如天子通宵愛子虛把釣看碁高興盡焚  
香起草宦情踈楚山重疊當歸路溪月分明到直廬江雨

蕭蕭帆一片此行誰道爲鱸魚

送崔判官

集作  
即中

赴幕

前人

一別黔南

集作  
巫

似斷絃故交東去更潸然

集作  
懷然

心遊目斷

集作  
送

三千里雨散雲飛二十年發跡豈勞天上桂屬詞還

得幕中蓮相思莫

集作  
林語

道長安遠江月隨人處處圓

西江上送漁父

前人

却逐嚴光向若耶釣綸菱棹寄年華三秋梅雨愁楓葉一  
夜蓬舟宿蓼花不見水雲應有夢偶隨烟鳥便成家白蘋  
風起樓船暮江燕雙雙正雨斜

送李憶東歸

六  
言

前人

黃山遠隔秦樹紫禁斜通渭城別路青青柳弱前溪漠漠



苔生和風澹蕩歸客落日殷勤早鶯灞上金樽未飲讌歌  
已有餘聲

送温庭筠尉方城

紀唐夫

何事明時泣玉頻長安不見杏園春鳳凰皇詔下雖沾命鸚  
鵡才高却累身但飲綠醺消積恨莫辭黃綬拂行塵方城  
若比長沙遠猶有千山與萬津

送陶少府赴選

李群玉

陶公官興本蕭疎長傍青山碧水居久向三茅窮藝術仍  
傳五柳舊琴書跡同飛鳥栖高柯心似閑雲在太虛自是  
看洪求藥價不關梅福戀簪裾

送于少監自廣州還紫邏

前人

鳴臯山水似麻源謝監東還憶舊集作園海嶠烟霞輪集  
輕逸翰洛川花木待廻軒宦情薄去詩千首世事閑來酒  
一樽明日途中見顏范始應通籍入金門

送王昌涉侍御

張佑

十里指東平軍前首出征諸侯青服舊御史紫衣榮入陣  
象心死分集作衡園虎力生畫時安楚塞刻集作日下齊城  
號令朝移幕偷蹤夜斫營雲梯曾險上地道慣深行舉旆  
招降將投戈趁敗兵自慙居虜者當此立功名

送劉崇德尉睦州建德縣

前人

一命前途遠雙曹公邑閑夜潮人到郭春霧鳥啼山淺瀨  
橫沙堰高崑峻石斑不堪曾倚棹猶復夢昇攀



送蘇紹之歸嶺南

前人

孤舟越客吟萬里曠離襟集作夜月江流闊春風嶺路深

珠繁楊氏果翠耀孔家禽無復天南夢相思空樹林

送常正字

集作貫赴制科

前人

可愛漢文年鴻恩蕩海壖木鷄方備德金馬正求賢大戰

希遊乃長途在著鞭佇聞晁董策備集作便向使中傳

送楊秀才遊蜀

前人

鄂渚逢遊客瞿唐上去船峽深明月夜江淨集作靜碧雲天

舊俗巴歛舞離情集作新聲蜀國絃不堪揮慘恨一涕自潸然

送沈下賢謫尉南康

前人

秋風江上草先是客心催萬里故人去一行新鴈來山高

雲緒斷浦迥月波頽莫恠南康遠相思不可裁

送徐彥夫南遷

前人

萬里客南遷孤城漲海邊瘴雲秋不斷陰火夜長然月上

行虛市風迴望舶船知君還自繫更為酌會泉

送常整尉長沙

前人

遠逐長沙去憐君利一官風帆彭蠡疾雲水洞庭寬木客

提蔬束江鳥接飯九莫言卑濕地未必乏新歡

送李長史歸涪州

前人

涪江江上客歲晚却還鄉暮過高唐雨秋經巫峽霜急灘

船失次疊嶂樹無行好為題新什知君思不常

南海送常七使君赴象州任

陳陶



一鶚帝公子新恩領郡符  
島夷通荔浦龍節過蒼梧  
地理金城近天涯玉樹孤  
聖朝朱綬貴從此展雄圖

送沈次魯南遊

前人

高臺贈君別滿握軒轅風  
落日一揮手金鵝雲雨空  
鼇洲石梁外劔浦羅浮東  
茲興不可接條條煙際鴻

送江西周尚書赴滑臺

前人

楚謠襦袴整三千喉舌新  
恩下九天天角雄都分節  
鉞蛟龍舊國罷樓船崑河  
已在兵鈐內棠樹空留鶴  
嶺前多病無因酬一顧  
鄢陵千騎去翩翩

閩中送任畹端公還京

前人

燕臺上一作榻王為人月桂  
曾輸次第春幾日酬恩  
座炎

輝九秋高駕拂星辰漢庭  
鳳進鷓行喜隋國珠還水  
府貧多少嘉謀奏風俗斗  
牛孤劔在平津

此卷校正一百二十字

五月十九日

文苑英華卷第二百七十九

已卯冬至後日依字本重校  
又補四十三字



文苑英華卷第一百八十

詩一百八十一

送行十五

方干二十一首

李洞十一首

杜牧七首

許渾二十八首

雍陶四首

送姚合員外赴金州

方干

受詔從華省開旗發帝州野烟新驛曙殘照古山秋樹勢  
連巴沒江聲入楚流唯應化行後吟句上閑樓

以下二十一篇並見集本

送江陰霍明府之任

前人

遙遙去舸新浸郭葦蕪樹列巢灘鶴鄉多釣浦人虹分



陽羨雨浪隔廣陵春知竟三年袂琴書外是貧

送人之日本

前人

蒼茫大荒外風教即難知連夜揚帆去經年到岸遲波濤

吞集作舍左界星斗正東夷集作定東維或有歸風便當為相見

期

別喻鳧先輩

前人

知心似古人歲久分彌親離別波濤闊留連槐柳新武陵

閑集作暮陵寒貫酒漁浦夜垂綸若集作自此星居後音書豈厭

頻

送相里燭

前人

相逢未作期此逆欲集作相送定何之不得長年少那堪遠別

離泛湖乘月早踐雪過山遲未望多時立翻如在夢思

送從兄常部

前人

道路本無限更集作又應何處逢流年莫虛擲華髮不相容

野渡波搖月寒集作空城雨翳鍾此心隨去馬迢遞過千峯

送許渾集作温

前人

壯歲分彌切髻年心正集作即同當聞千里去難遣一樽空

翳燭蒹葭雨吹帆橘柚風明年見親族冬集作盡集在懷中

寄朱特

前人

登車誤相遠談笑亦何因路入瀟湘樹書隨巴蜀人欽衣

寒犯雪傾篋病看春莫貴集作負髻年去集作志清朝有獻臣

送趙明府還北

前人



故林終不在，劍鶴在扁舟。盡室無餘俸，還家得白頭。鍾催吳岫晚，月照渭河流。曾是棲安邑，恩期異日酬。

送鄭端公

前人

聖主佇知宣室事，豈容才子滯長沙。隋珠此去方酬德，趙壁前時悞指瑕。驄馬將離江浦月，繡衣却照錦林花。集作禁中應憐寂寞滄洲客，霄壤集作煙漢塵泥相去賒。

送睦州侯即中赴闕

前人

昔者政聲聞國外，今留儒術化江東。青雲舊路歸仙掖，白雪新詞入聖聰。絃管未知銀燭曉，旌旗已待錦帆風。郡人誰集作難識酬恩德，徧在三年禮遇中。

送永嘉王明府之任二首

前人

定擬孜孜化海濱，須判素髮悔流年。波濤不應三集作雙水分野長如二月天。浮客若容開蒺地，釣翁應免稅答畝田。前賢未必全堪學，莫讀當時歸去篇。

二

雖展縣圖如到縣，王程猶入縉雲東。山間閣道盤花集作巖底海界孤村集作峯。在浪中禮法未聞離漢制，土宜多說似

吳風。字人若用非常術，唯要旬時便立功。

送婺州許錄事

前人

之官便是還鄉路，白日堂堂著錦衣。八詠遺風資逸興，二溪寒色助清威。曙星沒盡提綱去，暝角吹殘鎖印歸。笑我中年更愚癡，醉醒多在釣魚磯。



送錢特卿赴職天台

前人

路入仙溪氣象清，垂鞭樹石罅中行。  
霧昏不見西陵岸，風急先聞瀑布聲。  
山下縣寮張樂送，海邊津吏棹舟迎。  
詩家弟子無多少，唯只於余別有情。

送杭州李員外

前人

政成何必用集作，滿三年上界群仙待。  
謫仙便赴新恩歸，紫禁還從舊路上。  
青天笙歌愁集作，咽當離席更漏丁。  
東在

畫船正殿集作，駐班留立位前程。  
一步集作前，是爐烟。

送孫百篇遊天台

前人

東南去路落斜行，入樹穿村見赤城。  
遠近常聞集作，皆藥氣高低無處不。  
泉聲映巖月集作，向牀頭沒濕燭雲從杜

底生更有仙花與靈草集作，恐君多半不集作知名。

送人宰永泰

前人

北人雖泛南流水，稱意南行莫恨賒。  
賒道路先經毛竹嶺，風烟已集作漸。

近刺桐花舟停漁浦，猶為客縣入樵溪。  
似到家

下馬政聲集作，王事少應容閩吏日高衙。

送晉陵王少府赴選

前人

相看不忍盡離觴，五兩牽風速去檣。  
遠驛新站應弄月初，程殘角未吹霜。  
越山直下分吳苑，淮水橫流入楚鄉。  
瓊重邾家好兄弟，明年祿位在何方。

送李集作陳

秀才將遊霄上便議北歸

前人

娑娑戀酒山花盡，繚繞還家水路通。  
轉檝擬投集作，青草



岸吹帆猶是白蘋風淮邊欲暝軍聲急洛下光寒苑樹空  
詩句因余更孤峭書題不合忘江東

送吳彥融赴舉

前人

用心精至自無疑千萬人中似爾集作汝稀上國纔將五字

去全家便望集作待一枝歸西陵柳路搖鞭盡北固潮程挂

席飛想見明年榜前事當時分散著來衣

送曹郎中棄官南歸集作南中用軍李洞

桂水清和天南歸似謫仙繫條輕象笏買布接蠻舡海氣

蒸輦軟江風擘疑作劈箭偏罷即吟亂里帝遠豈知賢

龍州送鄭郎中兼寄昌明鄭侍御 前人

待車登沓障經亂集鷓原省壤蘭飄葉臺空栢有根縣清

江入峽樓靜雪連村莫隱匡山社機雲受晉恩

送盧郎中赴金州 前人

雲明漆嶺高刺郡輟仙曹危棧窺猿頂公庭掃鶴毛出軍

明壁罅話道白眉毫遠集歌謠客舟前泊幾艘

冬日送涼州刺史 前人

寵餞西門外雙旌出漢陵未辭金殿日已夢雪山燈地遠

終峯盡天寒朔氣疑新年行已到舊典聽難勝吏掃盤鷗

影人渡散馬乘移軍駝馱角下塞掾河水微近崑崙獸吟

招磧石僧重輸右藏實方見左車能兵聚邊風急城寬夜

月澄連營烟火嶺望詔幾迴登

送知己赴任華州 前人



東門罷相郡北拜重京華落月開宵印初燈見早麻雞身  
紅旆拂仙掌白雲遮塞色侵三縣河聲聒兩衙松根醒客  
酒蓮葉隱僧家一道帆飛直中筵嶽影斜書銘尋雪石澄  
鼎露金沙鎖合眠闕史盃空啄廟鴉分臺話嵩洛賽雨拜  
烟霞樹谷期招隱吟詩煮栢茶

送東宮賈正字遊蜀

前人

南朝馱晉史蜀地瞰巴樓長棧懷宮館踈峯露劍州半空  
飛雪化一道白雲流若次江邊邑宗詩為遍搜

送知己赴濮州

前人

中路行僧謁郵亭話海濤劍剝搖林狃落旗閃岳禽高苔長  
空州嶽花開夢省曹濮陽流政化一半布一作風騷

送人遊天台

山人鏡山集作仙

前人

行李一條藤雲邊曉扣冰丹經如不謬白髮若為能淺井  
山集作人鏡明珠海客燈乃知真隱者笑就漢庭徵

送福州從事

前人

嶺前齊鳥飛兩過荔枝肥南斗看應近北人來甚稀湖浮  
廉使宴珠照島僧歸幕下聞遷拜何官著茜衣

龍州送友人赴舉

翠迷集作翠西

前人

獻策赴招携行宮積翠迷集作西挈囊秋卷重轉棧晚峯齊  
踏月候朝見拂雲看省題飛鳴肯迴顧獨鶴困江泥

送友罷舉赴邊職

前人

出剡篇章入雒文無人細讀嘆俱焚莫辭秉笏隨紅旆便

集作濮陽流政化一半有風騷

宋本仍作乃



好携家住白雲過水象浮靈境見隔江猿叫漢州聞高談  
闊畧陳從事盟誓邊庭壯我軍

送容州唐中丞赴鎮

杜牧

交趾同星座龍泉佩斗文燒香翠羽帳看舞鬱金裙鷓首

衝龍浪岸渠拂嶺雲莫教銅柱北長集作說馬將軍

池州春日送前進士荆希逸

前人

芳草復芳草斷腸還斷腸自然堪下淚何必更殘陽楚岸

千萬里燕鴻三兩行有家歸未得况舉別君觴

送劉秀才歸江陵

前人

綵服鮮華覲渚宮鱸魚新熟別江東劉郎浦夜侵舡月宋

玉亭春蒲集作弄袖風落落精神將有立飄飄才思杳無窮

誰人世上為金口借取明時一薦雄

送國碁王逢

前人

玉子紋楸一路饒最宜簷雨竹蕭蕭羸形暗去春泉長益

勢橫來野火燒守道還如周柱史鏖兵不羨霍嫫姚浮生

一集得年七十更萬日與爾期於局上銷

宣州送裴坦判官往舒州時牧欲赴官歸京前人

日暖泥融雪半銷人行芳草馬聲驕九華山路雲遮岫集

寺青清集作弋江村柳拂橋君意如鴻高的的心懸旆正

搖搖同來不得同歸去故國逢春一寂寥

送李群玉赴舉

前人

故人別來面如雪一榻拂雲秋影中玉白化紅三百首五

八字白文



陵誰唱與春風

送人 又云 寫言

前人

鴛鴦綉被 集作 帳裏 暖芙蓉 遙想關山萬里重 集作 低泣 關明 山幾萬里

鏡半邊 釵一股 人 集作 此 生何處 不相逢

送客江行

許潭

蕭蕭蘆花 卸客獨辭家 遠棹依山響 危檣轉浦斜 水寒

澄淺石 潮落漲虛沙 莫與征徒望 鄉園去漸賒 集作 本

送前緞氏常明府南遊

前人

酒闌橫劍歌 日暮望關河 道直去官早 家貧為客多 山昏

函谷雨 水落洞庭波 莫盡遠遊興 故園荒薜蘿

送客歸荆楚

前人

莫言一樽酒 集作 無辭 一盃酒 平昔 集作 昔日 與君深 秋色換歸鬢

光生別心桂 花山廟冷楓 樹水亭 集作 樓 陰此路千餘里 應

勞楚客吟

送客歸南溪

前人

花下送君處 集作 歸 路長應過秋 暮隨江鳥宿 寒共嶺猿愁

衆水喧巖 集作 巖巖 瀨 群峯抱戍 集作 沈 樓 因君幾南望 曾向此

中遊

筭山津送客歸峽中

前人

津停多別離 楊柳半無枝 住接猿啼處 行逢鴈過時 江帆

望風急 集作 江風 颺船急 山月下樓遲 此夕歸城郭 不眠人詎知

集作 還就西齋 宿烟波勞愛思



宋李公自淮楚之南昌

集作送前南  
陸李少府

前人

高人亦未閑來往楚雲間劍在心應壯書窮鬢已斑落帆  
秋水寺驅馬夕陽山明日南昌慰空方齊又掩關

送客

集作懷江  
南同志

前人

南國去

集作別

經年雲暗波接天蒲深鷓鴣戲花暖鷓鴣眠

竹暗湘妃廟楓陰楚客舫唯應洞庭月萬里共嬋娟

集作始

送從兄別駕歸蜀州

州序

前人

從兄彥昭與桂陽令常伯達貞元年中俱為千牛伯達官  
至王府長史長慶中非罪受譴前年會赦復故秩語未及  
而已身歿從兄自蜀而南發旅觀歸墓塗上旣而西還因  
成十韻贈別

聞與湘南令童年侍玉墀家留秦塞曲官謫瘴溪湄道直  
姦臣屏寃深聖主知逝川東去疾滯澤北來遲青漢龍髯  
去蒼山馬鬣移風棲聞笛處日慘罷琴時客路黃公廟鄉  
關白帝祠已稱鸚鵡賦寧誦鶴鴒詩遠道書難達長亭酒  
重集作莫持當憑蜀江水萬里寄相思

送從兄歸隱藍溪

前人

名高猶素衣

一作氣高  
不達

窮巷掩荆扉漸老故人少久貧豪

客稀塞雲橫劍望山月抱琴歸幾日藍溪醉藤花拂釣磯

一作莫遣藍溪  
路青苔滿釣磯

送人歸吳興

前人

綠水棹雲月洞庭歸路長春橋懸酒幔夜柵集茶檣巖影



集作 沉溪暖蘋花遶郭香應逢柳太守為說遇瀟湘

送友人罷舉歸東海

前人

滄海天堊外何島是新羅船主辭番遠碁僧入漢多海風  
吹白鷓沙日曬紅螺此去知投筆須求利劍磨

送鄭秀才東歸憑達家書

前人

欲寄家書客未過閉門心遠洞庭波四隣花落清集作兩

夜風急一逕荒秋集作草雨多愁泛楚江吟浩渺憶歸

吳岫夢嵯峨貧居不問應知處溪上閑舡繫綠蘿

送盧先輩自衡嶽歸

集作赴

復州嘉禮

前人

名振金閨步玉京暫留滄海見高情衆花盛集作處松千

尺群鳥喧時鶴一聲朱閣簾涼初集作雨過碧溪舡動早

潮生離心不異西江水直送歸集作帆萬里行

送前東陽于明府由鄂渚歸故林

前人

結束征車換黑貂灞西風雨正瀟瀟茂陵久病書千卷彭

澤先集作歸酒一瓢帆帶集作夕陽溢水闊棹經秋月集

海鮓山遙殷勤為謝南溪侶集作白首螢窓未見招

送陸拾遺東歸

前人

獨振儒風遇盛時紫泥初降世人知封章報主非無意書

劍還家自有期秋寺卧雲移棹曉暮江乘月落帆遲東歸

自是綠清興莫比南山詠紫芝

送友人浙西任宰

集作送上元

前人

莫言名重懶驅雞六代江山碧海西日照蕪葭明楚塞烟



分楊柳暗集作隋堤荒城樹繞集作沉書浦舊宅村集作

連罨畫溪官滿定應集作歸未得九重霄漢有丹梯

呈王總下第歸丹陽 前人

秦橋一作西望楚天涯集作繫馬春風酒一卮汴水月明

東下疾練塘花發北來一作歸遲青山虛戀集作安貧計白

髮集作應催獻賦時一作為寄家書報消息集作憑寄家

舊鄉集作還有故人知

南樓送饒李明府歸姑蘇集作將歸姑蘇南 前人

無處登樓不繫情一憑集作春酒醉高城漸移羅綺見山

色纔駐筦弦聞水聲花落西亭添別夢柳陰南浦促歸程

前期迢遞今宵短更倚朱欄待月明

送薛洪南遊訪山習業 前人

姑蘇城外月初凋同上江樓更寂寥繞壁舊書塵漠漠隔

窓寒竹雨蕭蕭憐君別路隨秋鴈盡我離觴任晚潮從此

草玄應有處白雲青草一相招

送客自兩河歸江南集作西河送 前人

兩河度集作事已堪傷南客秋歸路更長臺畔古集作

松悲魏帝苑邊脩竹弔梁王山行露變茱萸色水宿風披

集作蕙香遙羨落帆逢舊友綠娥青鬢醉橫堂集作

送鄭秀才叔姪會送楊秀才昆仲東歸 前人

書劍功遲白髮新異鄉仍送故鄉人阮公留我集作竹林

晚集作田氏到家荆樹春雪盡塞鴻南翥少風來胡馬北

對集作



嘶類洞庭烟月如終老誰是長楊諫獵人附人字疑有悞

送杜秀才歸桂林集作往桂州

前人

桂州南去與誰同處處山連水自通兩岸曉霞集作曉烟千里

草半帆斜日一江風瘴雨欲來楓樹黑火雲初起荔枝紅

愁君路遠銷年月莫滯三湘五嶺中

送嶺南盧判官罷職歸華陰山居 前人

曾事劉琨鴈塞空十年書劍似一作任飄蓬東堂舊屈一作

移山志南國新留煮海功還掛一帆青草上更開三徑碧

蓮中關西親友如相問已許滄浪伴釣翁

送武處士歸章洪山居 前人

形影無群消息沉登聞集作門三繫疑血沾襟皇綱一日開

冤氣青史千年重壯心却望烏臺春樹老獨歸蝸舍暮雲

深他時縱有徵書去雪滿空集作重山不可尋

吳門送振武李從事 前人

晚促離筵醉玉缸伊川一曲淚雙雙欲移刀筆從新幕更

宿烟霞別舊窓胡馬近秋侵紫塞吳帆乘月下清江嫫姚

若許傳書檄坐築三城看受降

送人之任邛州 前人

綠髮監州州府歸還家樂事我先知群童竹馬交迎日二

老蘭觴初見時黃卷新書芸委積青山舊路菊離披亨衢

自有橫飛勢便到西垣視訓辭

與韓鄭二秀才同舟東下洛中親朋集作交送至景



雲寺

前人

三十六峯同集作一川綠坡無路草芊芊牛羊晚食鋪平

地鵬鷄晴飛磨遠天洛客盡回臨水寺楚人皆逐下江舡

東西未有相逢日更競集作把集作繁花共醉眠

凌獻臺送常秀才

前人

雲起高臺日未沉數村殘照半巖一作陰野蠶成繭桑柘

盡山集作溪鳥引雛蒲稗深帆勢依依投極浦鍾聲杳杳隔

前林故山迢遞故人去一夜月明千里心

送徐使君赴岳州

雍陶

渺渺楚江上風旗搖去舟馬歸雲夢晚猿叫洞庭秋別思

滿南渡鄉心生北樓巴陵山水郡應集作稱謝公遊以下四篇並見集本

八字白文

送裴璋還蜀因亦懷歸

前人

客在劍門外新年音信稀自為千里別已送幾人歸陌上

月杓集作日落馬前花正飛離言殊未盡春雨滿集作濕行衣

送前鄆縣李少府

前人

近出圭峯下還期又不賒身閑多宿寺官滿未移家罷釣

臨秋水開樽對月華集作向集作自當蓬集作閣選豈得卧集

戀烟霞

送宜春裴明府之任

前人

南行春色已滿路半水茫然楚望花當渡湘陰月集作滿川

山橫湖色上帆出鳥行前此任無辭遠親人貴用還



送曹郎中南歸罷郎吟集作朗吟經

校正一百二十八字 五月十九日校

文苑英華卷第二百八十一終 己卯冬至後一百依宋本再校

